



名宦

漢 開定名臣

路博德西河平州人以右北平太守從霍去病征

討功封邳離侯後為衛尉元鼎五年拜伏波將

軍討平南越立儋耳珠崖罷祀於祠

楊僕宜陽人元鼎五年以主爵都尉樓船將軍平

越開罷功與路伏波同祀於祠

馬援茂陵人建武十七年交趾女側反拜伏波將

軍擊平之撫珠崖調建城郭置井邑立珠崖縣

按新息傳未嘗言援至瓊所謂調立
城郭置井邑蓋亦感令遠及耳

梁陳隋

馮洗氏世爲南越首領幼賢明多籌畧當梁時在
父母家能行軍用師歷服諸越海南僭耳歸附
者千餘崗後嫁高涼太守馮寶寶卒嶺南大亂
賴夫人懷集至陳以子僕爲陽春太守僕卒陳
亡嶺南共奉夫人號爲聖母隋立以所貢陳犀
杖及兵符示夫人始集首領數千盡日慟哭乃
服時陳佛智王仲宣及夫人遣孫蓋討平之親

被甲乘介馬張錦傘領毅騎護衛遂定嶺表高

祖異之冊爲譙國夫人仍開幕府置長史以下

官屬賜臨振縣

今崖州

湯沐邑壹千伍百戶贈僕

爲崖州總管平原麗公仁壽初卒賻物壹千段
謚誠敬夫人

唐李復隴西人宗室貞元初轉嶺南節度使高宗麟

德二年瓊東南諸鄉爲黎獠所陷至是一百二

十四年復始收克之奏置都督府以綏定其人

杜佑京兆萬年人德宗時遷嶺南節度使珠崖黎

氏三世負險不賓佑討平之召拜尚書右丞
宋杜杞京兆人慶曆間爲廣西轉運使時區希範寇
瓊州杞以計攻破之擒諸蠻寇陸百餘人海南
遂平

元朱國寶徐州人世祖至元十六年遷定遠大將軍
海北海南道宣慰使尋移瓊州立官程更弊政
訓兵息民南寧謝有奎負固不服寶開示利病
害有奎感悟以其屬歸附黎民降者三千戶蠻
峯降者三十所十八年破臨高蠻寇招降銅鼓

桐油等一十九峯遣步將韓旺畧大黎蜜塘橫
山誅首惡李實火其巢生致大鍾小鍾諸部長
十有八人加鎮國上將軍本道宣慰使都元帥
二十年請益兵討占城詔以阿里海涯軍萬五
千人應之供給軍餉事集而民不擾遷廣南西
道宣慰使入覲帝慰勞之

潤里吉思蒙古校刺反氏世祖朝榮祿大夫行湖
廣平章至元二十八年將兵同陳謙亨討海南
諸峯建議立定安會同二縣萬全寨珠崖鄉校

召還入見賜玉束帶金銀幣帛弓矢甲冑得旨
還鎮

明朱亮祖六安人永嘉侯洪武元年以征南副將軍
統師抵瓊獲王觀大恩威大布

詳黎志

湛鉞廉州衛借職揮使歷陞廣東都僉性英俊有
文武材好賢樂士弘治符南蛇叛領兵來援適
賊大掠臨高縣時兵不滿三千衆有懼色鉞勇
氣百倍詢賊營所在率奇兵由間道逸陣後殺
守營者百餘人遂大破之擒斬千計環海黎崗

各起相應勢方岌岌而鉞以精兵二千破強敵
萬衆全臨城解儋昌威振十三州邑以兼程冒
雨致疾卒軍民哀之臨高立祠祀焉

毛銳伏兔伯兩廣總兵弘治壬戌統兵平儋南蛇
賊號令嚴明所至大捷師旋之日一方晏然
叅戎

程鑒合肥人襲指揮僉陞叅將陵崖黎亂提督蔡
經起鑒往守辛丑大征斬獲三千六百級功剋
諸哨捷聞賞賚有加癸卯陞副總兵鎮守粵西

俞大猷晉江百戶舉武進士禦寇盜歷陞廣東署都指揮僉征思平檇賊及安南范子儀等寇已酉征崖黎進右叅將分守瓊州親按各崗推誠撫慰議立叅將府遷設縣司屯所於羅活抱顯沙灣嶺脚古鎮州等處化黎經畧已定適倭寇閩浙撫按交章薦守浙藩去事竟寢嘗曰經畧瓊黎當時同心協謀者惟方副使一人餘皆苟一時之暫安無千百之長慮棄前功之九仞隱後日之禍根後又平海寇王直會一本等官至

榮祿大夫前軍都督府署都督同知所著有正氣堂集交黎圖說

衛所

孫安處州人廣東衛揮僉洪武二年領官軍千餘分司海南開設衛所奏展城池請陞瓊州爲府蔡玉和州人世舊功臣洪武十二年由長沙衛揮僉調本衛開展城池創立營房建演武亭革酷政恤軍士惠愛及民

孫岳鳳陽人國初以勲舊任本衛鎮撫從學於趙

考古機謀智勇而廉守始終如一

翟興徐州人或曰虞城人洪武初由金吾前衛千
戶陞本衛僉事壬戌於獨州洋擒賊鍾奴歐等
并船六十隻戊辰征瀧水有功庚午倭賊寇海
口生擒之追獲其船後陞廣東都指揮僉卒於
官子彞襲

桑昭無爲州人洪武十七年由金吾前衛揮僉掌
海南衛印歷十年愛軍恤民造修公廨創建清
瀾昌化海口三所因廣學宮有司請易東西營

以爲基慨然予之其崇學校如此

張恕鳳陽人洪武初由父勲任山西護衛揮僉陞
同知調海南衛敦篤謙和涉獵百家子史永樂

五年征潯州等處十六年督築南山新城出方輿志

楊義定遠人由父勲襲河南衛揮同陞揮使永樂

間調海南衛智謀諳練作爲不苛軍民畏愛

陶英巴縣人爲留守後衛中所百戶有姊病癱老

在室英調昌化扶姊同來凡越山登舟貧無顧
覓皆英親負之姊心不安一日渡江姊移拖潛

投之英亦投救以舟人急拯得兩活至瓊仍背
負到任奉養如母

王正海南衛指揮成化間偕指揮徐昂京歸舟次
廣東波羅廟前忽風大作舟覆正推蓬出抱枕
避浪危在倏忽嘆曰吾友老母在堂吾與萬里
同行今日見其死亦何忍獨生耶頃電掣見傍
有艇遂冒攀登岸求斧回擘船底務求出昂因
活者四十餘人餘屍亦爲撈厝

谷泰海南衛指揮僉平居以忠義自許每謂其第春
曰吾凡見賊卽不欲與俱生弘治甲子春督備
東三所適黎岐越萬州界流劫時兵備副使王
權聞報黎賊者輒杖之泰曰官督備乃懼上司
而忍吾民受害耶卽率官軍衝敵擒斬數人賊
驚退後賊衆雲集軍少力殫奮戰不已遂死於
賊權竟以輕率寡謀開報州人哀之

王琥海南衛指揮僉正德初督備清萬南三所令嚴
守素時號清水王聞賊輒挺身出敵七年征鷓
鴒黎諸哨俱不能前獨琥如期抵會所焚賊巢

而還庚午掌衛印裁革軍士借辦月錢公勺屯種及卒無以爲殯官爲給歛

詳黎志

高卓衛揮同持重善戰得士卒心歲統舟師海上勦寇前後斬獲無算軍民多賴以全神尖之役傷礮卒兵道史朝宜賻百金輓之以詩

崇昇中所千戶勇冠三軍每出海勦寇必先登陷陣獲賊所得悉散士卒故人樂爲用保障瓊海者十餘年子維績世其官累陞至兩廣坐營都司署清瀾收瘞枯骨威服峒黎已丑平灣衆各爭功績獨恬然海忠介嘗曰崇昇梟雄之將也其子維績才優守慎亦武弁中首稱者

汪宣南山所千戶性至孝讀書尚禮管屯均田輕賦貧丁賴甦立社學教養軍丁之俊秀者一時多所成就嘉靖丙寅海寇何喬犯境修浚城池爲守禦計推牛饗士挺身出敵賊攻城射殺其執旗者賊遂遠去城賴無虞署印二十餘年軍

民稱之

監司

唐宋慶禮洺州永平人擢明經武后朝為嶺南採訪使時崖振等五州首領更相攻掠民苦於兵慶禮詣其境諭以大誣皆釋讎相親州土以安罷戍卒五千人祀於祠

陳堯叟閩州人至道間遷工部員外廣南西路轉運使先是歲調雷化高藤容白諸州兵輦糧汎海給瓊州兵不習水利率多沉溺海北岸有遞角場與瓊對風便一日可達又與雷化高太平四州水路接近堯叟因規度移四州民米輸於

場令瓊州蛋兵具舟自取人以為便又海賊頻年入寇堯叟悉捕平之

胡則婺州永康人廣西轉運使有蕃舶遭風至瓊告乏食衆議不可與則曰彼以急難投我可拒而不與耶乃命貸錢參百萬後蕃如期償所貸朱初平元豐中海南四州軍稅籍殘缺吏多增損瓊州昌化軍丁稅米歲移輸朱崖軍道遠民苦至是用初平議括四州軍稅賦舊額存其正數二州丁稅米止令輸錢於朱崖軍自糴以便民

瓊崖諸州縣地荒阻鹽不售前後官此者或擅
增鹽數鹽戶力不給有破產者元豐三年初平
奏蠲鹽之不售者又約所賣數定為煎額以惠
遠民

崔與之增城人寧宗朝授廣西提點刑獄徧歷所
部浮海巡珠崖獎廉劾貪風采凜然地產苦登
民或取葉以代茗州罷征之歲五百緡瓊人以
言貝織為衣衾工作皆役婦人民尤苦之與之
悉為榜免其他利病罷行甚衆瓊人次其事為
海上澄清錄高惟肖嘗刻其所申論號嶺海便
民榜行於世

按攤蒙古怯烈氏也先不花子大德末以孝行拜
中奉大夫海北海南道宣慰使都元帥海島生
黎叛服不常攤威望素著生黎王高等二十餘
尚皆願輸稅期年以省親辭去

呂統汾州西河入天曆間以憲僉按瓊有德政遣
使賜服至正間再以憲使來黜奸詢瘼知無不
為後卒於雷

附

范梈清江人海南海北廉訪司照磨延祐間錄囚於瓊興學校理冤滯瓊人德之

明詹冕鄱陽人正統間同知瓊州爲政寬猛得宜罷邑稱便考滿擢工部郎中轉廣東叅政分守有聲

揭稽建昌人景泰辛未以侍郎巡撫至掃除積年賊汚黎民如解倒懸

瞿俊蘇州常熟人弘治壬子由御史陞副使按瓊

雖不修邊幅而廉潔風裁動人病乞休圖書數卷而已

宋端儀莆田人拱學僉事崇正學嚴考校一時號稱得士同寅問解元何在指崖州鍾芳瓊州張世衡對後衡果首薦芳次之公聞之曰世衡表裏解元也所著有通書解綱目九例宋行朝錄莆陽廣左志羣書纂要詩傳考證等書

方良永莆田人弘治辛酉兼管兵備廉明幹濟軍民悅服時廣右狼兵征儋蛇賊民苦鷄擾至入

境獨不敢犯後官至尚書

胡訓南昌人副使正德末年崖黎相繼爲亂雖經兵勦醜類未滅至是復大亂公親督師直抵黎峒指授方畧分兵三哨而進遂大破之嘉靖二年誅賊符南蛇從子崇仁文龍聚黨讐殺諸黎陰助公復命儋州同知顧玠撫之劇寇悉平恩威並著地方嘉賴立祠祀焉官至兵部尚書

游璉連江進士分巡海南風采凜然嘉靖甲午以灣居村酋酋黎福二亂公設策督指揮王守臣集兵分哨抵巢磔福二於市餘黨悉平瓊民德之以附於王徐二公而稱三賢

周大禮崑山進士任兵憲紀法嚴明接引士類以轉移民風爲已任甫半載以憂去

史朝宜晉江人蒞郡鎮靜嚴馭奸吏遷瓊兵備控部兵民井井有條海寇猖獗躬歷白沙文昌清瀾等處督兵備禦民賴衽席累官東粵左轄舒大猷通城舉人歷官海南兵憲逾年加勅督學巡歷所至一切故例悉斥止之治盜尤極精覈

境內肅然

林如楚福建人先以副使督廣東學政萬曆壬寅復起以按察使分巡海南釐剔諸弊注意學校課士先德行而後文藝士風丕變是時魁以馬朶之役供億繹騷百姓疲敝公鎮以清靜黎平後建水會所設城池剗公廨議兵餉嚴守禦立社學化黎童綜理微密闔麗晏然歷官工部侍郎

蔡夢說福建龍巖人萬曆戊子巡按抵瓊問民疾

苦赴愬者阻於干陬公立命撤之人盡其所欲言以此備知衙猾土豪悉寘諸法撫會李茂陳德樂等自招駐舖前盜珠池官兵不能制公開示大義諭以禍福各俛首解散丁未以憲副備兵督學益營精振剔約轅門無阻控白申濫受民詞之禁戒部差下鄉擾民者法無貸棟練軍實校士嚴摘發代冒諸弊豪貴無所行其私閱諸生會課諄諄提誨外州縣赴者優之餼任三載山寧海晏陞分守南韶叅政行之日尤慮積

奸復爲民患版其名於道門左士民祠祀之
魏成忠江南人以兵備兼攝學政日集膠庠闡經
論史功在學宮澤垂濠壩士民仰戴

罷守

罷承

別駕

司平

漢孫豹會稽人珠崖太守幸之子蠻攻罷殺幸豹率
善人還破之自領罷事討擊餘黨連年乃平遺
使封還印綬上書言狀制詔以豹爲珠崖太守
威政大行

吳聶友豫章人孫權將圖珠崖諸葛恪薦爲珠崖太

守詔加友將軍與校尉陸凱同往執馘奏捷留
友治之友慮師久致疫簡其精銳自衛餘先遣
還權大悅徵爲丹陽太守

唐趙昌天水人憲宗初嶺南節度使降輯瓊管僭振
萬安等六州尙俚來歸爲圖以獻往來鯨海撫
安備至海寇無復侵掠瓊人尤德之

張鵬饒州德興人吐蕃入寇鵬率數千騎敗之表
爲瓊管五州招討使知瓊州軍事甚有威惠後
遷嶺南西道節度使

宋周仁浚汝南人開寶初平嶺南命知瓊州既至擇
僞官駱崇燦等四人上請分知儋崖振萬安四
州因俗而治綽有政聲家瓊之上邕

張岐真宗朝知瓊州鎮以清淨不納餽獻吏民服
其廉介州多颶風教民立舍方畧民賴安全

宋守之慶曆間知瓊州教諸生讀五經於先聖廟
建尊儒亭暇日躬自講授由是州人始知向學
李時亮元豐中管帥奏准賜書及修罷學創御書
閣卓有政聲

郭暉政和中知瓊州有聲望置澄邁西峯寨臨高
定南寨以隘阻黎人由是道路無梗

虞沆會稽人紹興二年知瓊州以瓊隔海洋民瘼
鮮達吏無顧忌民苦侵漁乃上請不禁越訴仍
乞示勅監司按治數年之間宿弊頓除民得安
生

李諤廣州進士紹興間瓊管安撫有政聲時州惟
有子城諤因許益作亂遂築外羅城州人賴之
吳群番禺人紹興壬戌以員外郎判瓊時海寇竊

發群捐俸立城堡以禦之尙黎爲亂群單騎詣
壘開諭利害遂戢兵歸耕

韓瑩長樂人淳熙間管帥出入阡陌勞來不倦期
年黎人感慕願供田稅嘗重修郡學及知樂亭
張應科咸淳間安撫使帝昺祥興戈寅遣與王用
攻雷州三戰皆不克用降於元應科誓死報國
決戰城下遂死於敵

趙與珞咸淳初安撫使帝昺祥興元年秋元將阿
里海涯遣宣尉舊帥馬旺招降不聽率義勇謝

明謝富冉安國黃之傑等兵禦白沙口極力死
戰舟師不得登岸冬十一月元將因購兩應執
與珞等嫚罵不屈元將怒皆殺之瓊人祠祀之
按與珞素有膽畧海外諸小國皆倚爲重既死
四州縣及外蠻皆附於元

明宋希顏高郵人洪武庚戌陞府爲州增秩授知府
事廉平有善政遷府治學校規模弘遠辛亥欽
祿去任士民稱之

王孟暉諸暨人由秀才知泗州陞鞏昌守以謗降

瓊州同知廉能顯著政事赫然民到今稱之
趙瑁宜陽人洪武初由儒士授河南府訓壬戌陞
知瓊州頓革宿弊吏民畏服後官至吏部尚書
吳德用沙縣人洪武乙丑由通經秀才任本府爲
政和易利澤及人

王伯貞泰和人洪武壬戌以聘起因論太極稱上
意授廣東按察司試僉事實授工部主事己卯
復用知瓊州爲政寬簡有古循吏風崖州黎殺
人報仇府衛以及聞欲兵之伯貞保其無他但

捕仇殺者數人遂定瓊甲申大旱禱之大雨民
爲鼓舞曰太守兩在罷十五年辟田野興學校
政教大行流民相率來歸者萬三千餘口以內
艱去士庶泣送後十餘里廣之東語賢守稱最
云正統中以子直貴贈吏部尚書今祀九賢祠
徐鑑宜興人宣德間由戶部郎中奉勅守瓊廉靜
子惠有古循吏風颺多異產中甲歲來索擾見
鑑嚴正不敢犯武官利黎產多起舉邀賄鑑鎮
以無事皆安堵不爲變在瓊四年一罷治安宣

德癸丑秋卒巷哭家祭柩還送者填海濱弘治
初以孫溥貴贈禮部尚書兼文淵閣大學士今
祀九賢祠

蔡浩龍溪人成化初由御史陞瓊守廉明務大體
治民事如家事卒於官行李蕭然閭閻悲之
方向桐城人工科給事中知瓊罷廉介有風裁值早
變服徒步數十里誠禱輒應管珠池韋中貴臨
罷肆索示禁不與韋畏威歛避

謝廷瑞長樂人守瓊數載心事洞然威攝黎崗民
藉帖席不愧右良二千石云

趙昊鄞縣人以北部郎知瓊罷賦性質直政尚簡
便畧詞訟急兵餉始終清介合屬望風砥礪
張俊吉水人嘉靖間守瓊勤慎嚴明征黎調度十
萬民不苦兵朝覲舊例千金盡革之蒞政六年
始終一節嘗刊四禮節要以易瓊俗立崇文書
院以萃英賢所刊政錄十條有趙昊之清廉而
才能過之

張子弘廬陵進士歷部中擢守瓊冲雅清廉政尚

寬厚尤加意斯文建縣學文布立各闕社學開
拓府前街在瓊五載頌聲四溢官至本省左布
政瓊人思念不忘今祀九賢祠

陳瑤桂林人府同知初至適有崖州之役督餉調
度綽有餘裕署罷事豪猾害民極力拯之因刻
辨疑事條批決申語名曰守瓊緒錄未幾致仕
士民保留竟不可奪

周思文麻城進士由浙運同擢瓊守以母老疏
不允蒞任首重德行之士適有巨寇許瑞百餘

艘據港中外洶洶公不動聲色徐以牌諭之寇
遂遁云廣詢瓊俗利弊舉行鄉約旌善儆惡義
士節婦親行弔祭僚屬更相濯磨募集諸書著
近民柯則大儒學宗聚生儒書院躬自講授置
射圃談藝暇習射五閱月政治改觀分本省秋
試士民思見德化之成一日聞母病報即掛冠
去抵家三日母終存之感也

馮宗魯廣西人隆慶間由澄邁諭陞推官滯獄疑
讞胥得其平操行清白苞苴不染時海寇猖獗

挺身安慰一羣頽安

周希賢莆陽人初守瓊政尚寬和不爲磽刻僚屬而下咸德之或疑遇吏胥隕霜不殺然民多被春兩頌刻諭瓊體要及重修麗乘

李多見福建仙遊人以文選郎中擢守瓊州篤學校嚴吏胥民有訟者諭以曲直不事罰責二十七年黎馬屎亂極力申文誓衆討賊止擄首惡不許妄殺招募義兵親督備擊竟獲馬屎凱旋後請立水會所設官兵守禦以母老乞休道司

士民懇留竟不可奪束裝之日數篋圖書縉紳父老遮送贈金不受北渡至海安檢得沉香焚之今建有煖香亭南人思之不已協建生祠扁曰忠孝清高著有周禮紀畧楚遊學源小學等書

吳廷雲福建人知府事廉能公恕課農講約化導惟勤考績爲天下清官第二

國朝

朱之光浙江人知府事撫字有方刑平政簡居官

無赫赫之名而去後常見思

明吳錢湖廣澧州人府同知廉公愛民嚴於馭下躬親案牘滑吏斂手萬曆三十三年地震瓊民壓死者千百計查城內外居民捐金埋葬震蕩之後百役併興然調度有方民不苦勞後以左遷去衆論惜之

吳俸浙江人府通判瓊自萬曆二十年以督捕兼撫黎至二十九年添設撫黎通判以俸領之俸承馬屎剗定之餘開示信義招撫黎人黎出聽招者數十尚願輸納者數百頃時建設水會所社學取府學弟子員教黎童習讀黎人因此知學署瓊山愛民如子有積案又寬連年不決者即時招雪瓊山火耗沿襲爲常令懸鑼二門外有擅增分釐者寘法後以左遷去士民裹糧赴上保留時有同官督捕者亦同日渡海士民扶老携幼送吳者載道而彼無一人此可以識人情矣

州守

州同

州判

幕職

漢僮耳丹陽人永平間僭耳太守至麗末又詔擢爲
交州刺使遷至珠崖戒刺史毋貪珍賂勸諭
其民毋鑿面頰以別於尚俚雕題之俗遷守武
太守

吳陸凱吳麗人丞相遜族子赤烏中除僭耳太守同
將軍聶友討珠崖斬獲有功遷爲建武校尉

唐韓瑗京兆三原人累遷黃門侍郎同中書門下三
品高宗王后之廢瑗泣諫又言褚遂忠良臣皆
不見聽顯慶二年李義甫希武氏旨奏瑗與遂

良潛謀不軌坐貶振州刺史蒞事踰年卒神龍
初詔復原官爵

韋執誼京兆舊族順宗朝丞相永貞元年憲宗受
內禪坐王叔文黨貶崖州司戶叅軍嘗攝祀事
臨民惟謹因家瓊山鄭都著有規譜貽於世

李德裕吉甫次子文宗朝宰相詳崖州景賢祠始
末

宋李崇矩潞州上黨人太平興國間由邕貴潯賓橫
欽六州都巡檢使移瓊崖僭萬四州時黎賊擾

尚崇矩抵尚撫慰遂皆懷附

湯鸞劔南武舉知萬安軍平南尚王利學寇諸蠻
警服

趙絳淳熙初知萬安軍黎人王集結三尚叛絳如
瓊乞師屯賊衝未幾剿平

周鄺海陵人淳熙知吉陽軍寬平御下給錢重修
州學嘗遣熟黎入諭生黎五十餘尚歸化又尋
訪洞天作磨崖石船記

劉椿先領兵平澄臨昌化三處寇端平初始知萬

安諸黎聞風相率納款輸貢

詳黎志

毛奎富川人淳祐間知吉陽軍能文章通術數修
城池移學養士嘗經營州南大小洞天作記題
詩任滿去至南山舖不知所終後人於舖前山
中立祠祀之

明陳敏陸川監生永樂初守儋州爲政寬厚甚得民
心以憂去民保留後除還任九年以例知泗州
姚瑾桐廬監生初知豐城有善政永樂間由欽守
移崖寬厚愛民不減豐城交章保留後調交趾

行軍斷事

林慶莆田監生景泰初知儋州廉介峭直守法不
回興利除害後被誣去民思慕之

鄭璉鄞縣人景泰間知萬州政尚寬簡循行阡陌
勞來不倦在任一十八載民思慕之

呂琳四明人天順間判儋州剛果有爲興學校課
農桑化刁強除盜賊政蹟赫然

羅傑南昌人成化癸巳知儋州廉正公勤興學校
黜淫祠疏水利馴生黎昂新公廨橋梁饒之民

風文物丕變以內艱去百姓號泣隨送

鍾英陽朔人弘治間守儋廉肅無私興學校增田
畝民不見吏蒞任八年不以妻子隨卒於官囊

橐蕭然

韋邦相懷安舉人知萬州政尚寬和不作威福課
農禮士禱雨輒應民作遇雨亭以志喜

鄭鳳邵武貢士嘉靖間萬州判平易謙恭收支不
染軍民咸德之繼任有戴龍者州民謠云鄭鳳
再來天有眼戴龍不去地無皮

陳宗聖莆田吏員萬州吏目愛民好士捐俸恤貧
供應常例悉爲裁革去任州人爲立碑

蕭弘魯廬陵人嘉靖初知儋州修社學招黎附籍
有惠政民謠云七載廉能讓老蕭陞金華府同
知

吳道亨浮梁監生初受萬州判萬曆四年陞知陵
水精明果斷風采凜然吏胥不能欺尤善撫諭
諸黎

陳堯思吳縣舉人知崖州興學作士開馬丹中亭
諸溝以疏水利築長橋留坊等道以通車馬時
抱龍羅活諸酋爲梗出師平之兵民不擾

李紹賢清江人知萬州居官廉靜斷獄多所平反
遇孤寒一切免贖囹圄空虛海忠介贈言曰爲
官不入民怨之錢則子和於牧民之堂不以民
怨之錢養其親則母和於清江之原臨行送者
遮道

潘楠南京旗手衛人萬曆間知儋州廉介自持一
切工役俱出私篋往時常例悉爲報罷緩金不

入卒於官囊橐蕭然士民哀之

李恭湖廣寧遠人弘治間知萬州廉明公恕民訟無大故者諭歸思之士有俊秀者課試資給秩滿去任送者墮淚陞温州同知

徐琦浙江諸暨人知崖州爲政敦厚不尚苛刻改建學校橋路興水利民間子弟俊秀者教之讀書知禮義在任二十年保留改知道州後陞福建運同

鄭邦直永昌人知崖州興利除害緩征恤刑加意葺獨作養人才捐俸八十金買田贍學士民祠祝之

朱弘廣西臨桂人由鄉舉除吳川令崇禎七年陞知崖州仁恕愛民八年大祲弘緩催科賦不及額麗二千石及臺使者數加誚讓弘附奏記畧曰降黜是甘不忍令愚民剝肉竭髓也九年因諸生請移學東郊考滿當遷以簡傲忤中貴報罷歸時士民泣送百餘里去後思之請祀於祠

附

瞿罕湖廣黃梅廩生崇禎六年註孝經疏義進呈
詔與江旭竒註合刻頒學宮科道交章薦於朝
十三年徵辟授知崖州莊崖一以興教育才爲
已任故事崖黎月供米可三十石罕曰國家歲
給祿糈何爲乃復命諸黎供米具詳罷之勒石
以記十五年閩人林八等作亂罕密授計於樂
羅民邢廣裔襲殺之賊平壬午冬以病歸臨發
啟篋令民共視之曰有一物自崖出者聽汝屬
持去不禁汝也既出郭單騎以去士民祖餞百
餘里各悲不勝至今思之比於臨桂朱公

國朝

梅欽江南宣城人初任湖廣黃州府通判順治乙
未陞知崖州時兵火之後市井蕭條民皆避亂
他邑欽勞來撫循遠近流民漸歸復業康熙元
年爲民請豁荒米一千四十七石二斗九升有
竒筭請豁軍屯米一千九十八石在任七年多
惠政及民康熙元年二月卒於官崖人至今頌
之

縣令

丞

簿

尉

唐王義方泗州漣水人素善張亮亮抵罪故貶儋州
吉安丞吉安介蠻黎素梗悍義方召首領選生
徒爲開陳經書人人悅順後徙洹水丞

劉芳遠江西安福人尹澄邁仗忠義結民心棄官
歸數年海南寇亂州邑不能制民走安福迎之
奮然曰民吾故民也不忍橫罹暴亂復來率衆
敵賊援寡斃軍中爲國爲民忠憤激烈不以去
留易心存亡變節

宋紀應炎遂溪進士初試澄邁王簿有餽見者置白
金十兩米中郎遺還之縣有海港可田募民塞
其港口得田千畝付學爲諸生費

明董俊河南人洪武二年知昌化時方新附民猶梗
化俊有幹局明禮法宣威德勸農桑興學校黎
民樂業士類興行後陞知睢州

李思迪濟南人元進士洪武初召任起居注累官
山西叅政辛亥知瓊山學博才傑廉公勤恪革
奸貪毀淫祠公餘輒歌賦自號海濱子因以名

集官至尚書

陳槩北平人洪武初由吳川縣丞知瓊山治民養
工政教亞於李思迪九年自坡院遷縣學於南
郊制度皆其矩畫

崔帖穆北庭人洪武間知臨邑純良好善招黎向
化後陞儋守有政聲

陳新廣西進士洪武間知會同公勤暇召生徒講
授茅屋蕭然不以介意

諸葛平陽朔人洪武末知樂會廉能敏達請裁本
縣丞簿後擢吏部郎中

陳永影廬陵人洪武間由學博知瓊山寬和愛民
廉而能幹修復濱壅汙岸及梁陳坡未幾以憂
去民咸思之

陸昇靈州人永樂初由汾水丞轉臨高勤而有惠
造太平橋往來便之

湯衡贛州人永樂間由中府都事知昌化直而不
撓時土官桀驁深爲民害衡至數其弊請削其
權俾統於州縣至今不敢肆侮者衡之功也

汪璧明江西貴溪進士永樂間知會同廉惠得民
講授造士召父文翁循良媲美

方濬貴池人永樂間臨高典史公直愛民有政聲
後陞至叅政

陳默龍巖人正統間知昌化奏革撫黎土官縣田
沙浮土薄苦於乾旱教民築堤蓄水灌溉民甚
便焉

楊護象州人成化間知臨高政尚寬平事至先得
其誠偽善惡審無大害者諭歸自思多感其言
而止後以謗去送至舟者千人

梁儉泰和人成化間繼楊護知臨高政畧相倣而
尤廉明簡繭民益信服報政歸舟湯百姓慟如
父母

韋表廣西宜山人誠之子成化間先任澄邁訓導
陞知本縣政務大體鼎建公署創築城垣百廢
俱興士民詠之

郭俱儒廣西平南人弘治間任澄邁主簿政多惠
澤黎亂率民協征以首功蒙欽賞秩滿去任泣

送者載道

曹梅閩縣人正德間知樂會廉能惠愛政平訟簡
民皆思之

莫卿平樂人知樂會救荒恤民修學校卓有政聲
陳策柳城舉人弘治間知會同修造縣宇學廟建
平政橋甚得民心既去王海道有詩惜之

王耕開州人正德間任文昌丞雅重儒術剛而能
斷直而不撓修本縣學宮一切公廨

洪經興安人嘉靖初知臨高廉明果斷備悉民瘼
興革利病民甚便之覲還徑歸邑民相率保留
至瓊迎者數百人竟為上官所忌掛冠去民泣
送之

鄔高南昌人嘉靖間知定安興學校均里甲撫流
移節煩費為民興利除害以梗直忤上司改教
遷光澤令

項邦柱桂林中衛人嘉靖間知感恩視民如子凶
荒賑恤黎亂躬詣諸崗竟以勞悴卒士民哀之
廖經崇仁人嘉靖間知文昌勤恤民隱裁革冗費

修理學宮疏築水利

徐希朱武義人嘉靖間知定安催科寬平聽訟不罰鍰金征崖黎糧餉充給黎平署崖事州民懷德在任十有二年處之若家陞潯州府判

陸親仁蘭溪人嘉靖間任文昌簿自奉儉約御下寬平寵辱不驚和而有介無忝乃父鶴山公之風

劉鶴齡桂林人嘉靖間尹瓊山政尚安靜撫循黎庶雖無赫赫名去後無不思之

彭希顏莆田人嘉靖間知昌化愷悌樂易政平民愛捐俸建縣治砌街道卒於官士民惜之

莫汝俊馬平人嘉靖間知陵水平易近民廉靜不擾改建縣道修舉廢墜惠愛在民去任民遮送號泣

林邦達福清人臨高典史隆慶壬申海寇許萬仔率倭寇攻城邑人洶洶達厲兵負土填大橋障水灌之賊環而東達併力東守屢戰却賊已而賊乘夜登城達親推石殺其裒帥守兵應之賊

衆潰走斬獲百餘人民賴保全先賊未至達率
民浚壕人皆迂之卒以壕深賊不能越復築月
城修學宮入覲祖送如市邑人繪圖海忠介爲
文叙焉祀於表功祠

謝應元沙縣人知定安獎誘士類憫恤孤貧黎首
王承祖率衆歸化島倭圍城親當矢石署僭廉
平如一嘉隆來罕有儔者嚴守周思久雅重之
民間有真愷悌君子之謠陞建昌府判

曾拱璧莆田舉人萬曆間令澄邁勤慈公明始終

一節修學宮纂縣乘不費公帑整公廨飭廟宇
不損民貲增學田考課有資置義塚死葬無憾
三年刑清政簡四民頌德歌功

柯應鳳龍溪舉人萬曆初知會同省刑薄斂節用
愛民嚴而有守吏畏民懷

徐應麟莆田人萬曆間知會同遇水旱竭誠祈禱
值歲凶捐俸濟饑陞永平府判百姓勒碑以志
去思

吳道亨浮梁人萬曆間知陵水政事精明人不取

欺訓練鄉勇地方賴之

陳節晉江人萬曆間知臨高德性純良政尚寬簡
詞不濫受獄無淹滯奉文丈量廉謹不苟入覲
民泣留不獲勒碑紀德

吳邦俊臨桂人知瓊山爲政寬和居官廉潔火耗
贖緩一切不染蔡公嘉其清操持疏改國學

賀汝廬陵人萬曆間知文昌專尚德化不作威棰
嚴馭吏胥釐革諸弊時值歲飢倣古常平儲穀
以賑多所全活開玉陽書院親與諸生講學課

藝一時文學丕變數年之間縣庭蕭然陞蘇州
同知士民墮淚送至海濱者數百人後致政家
居篤志正學所著有尊問日劄會紀諸書

朱景和遂昌人萬曆丙申知感恩遷復縣治築城
池堽公署創起書院課士其中人咸德之卒於
官士民捐貲請立祠以祀

龔漢臣湖廣籍貴州人萬曆間知瓊山時邑當採
珠征黎後財力耗倣一切節省每從寬厚未幾
以艱去士民思之

教職

蔣科電白進士教諭瓊山篤意校文以器識爲先
捐貲修學移建御書閣於講堂北擢宜倫令撫
輯裔尙教以詩書

趙謙餘姚人博洽經史時號考古先生洪武壬申
由國子典簿謫任瓊山教諭造就後進一時士
類翕然從之文風丕變守令爲築考古臺於學
右爲著述之所尤精六書之學著聲音文字通
造化經綸圖學苑歷代譜讚等書記於祠

鄭濟閩縣人永樂間僦學五日與諸生講論不傳
嘗著四書書經講說傳於世

林璟漳浦舉人永樂間諭樂會博聞多識訓誨有
方後陞監察御史

周坦莆田舉人正統間訓定安講解寒暑不替周
諸生貧乏邑人吳汝遜遺諸子從學繼而子孟
矩孟球孟傳相繼登科後陞武陵諭所著有經
書講說續古千字文等書行世

黃寧閩縣人正統間僦學正選我籍子弟穎出者

教養之貧者資給夜讀人人感奮

黃濛潮陽人成化間萬州學正請從學於今治教諭有方士習用變先是本學經書無傳濛受諸生習讀登仕籍者數人

林志福寧人瓊山諭制行端方訓生徒隨事規戒相俸賑乏事上不妄阿諂以王官去瓊士借之莊啟愚晉江貢府教授師道端嚴與諸生講論不厭猶能戢下僕侍者謹飭

吳復清南安人萬州學正薄聲利崇節操遵古道革常例卻費儀文學德行無愧師表

葉懋南海人文昌訓手不釋卷口不言利處門下恩威兼盡泮池齋祠捐俸修理

戚大勲德慶州人府學訓持已端莊而和氣藹然可掬絕口不言費禮至今仰慕

吳良弼增城人府學訓操履端方三署學印卻廩生常例曰吾有其三諸生得其一又就其中取以自益可乎署會同縣印政平刑簡贖緩不入民至今稱之

蕭端升潮陽舉人教授瓊以端士習變民風爲已
任捐俸製祭器創試草談經課藝時取考亭家
禮及文莊儀節酌定四禮命曰諭瓊禮要
陳應禮宣化人瓊山諭溫和灑落接士以禮尤能
持大體署崖篆追徵無火耗及歸崖民泣留有
何武之思

韓鳴金博羅人教授府學博洽經史工於詩文勤
課藝精品騰動由禮度諸生常禮初無所受癸
巳校修麗志陞知宣化縣

梁尚通順德人博羣書工詩文諭瓊山捐俸修學
月勤課藝其分考試所得皆名流當事者以東
南文衡額其門陞知修仁縣著有看竹集出山
草

楊謨香山人正德丁丑訓萬州慷慨好義博學洽
聞教誨不急諸生貧乏者饋禮一無所受

尹輔巴縣人訓臨高仁厚溫和尤善訓誨歷官工
部主事

尹尚賓桂林人嘉靖庚戌臨高諭舉動光偉諸生

貧乏捐俸助之日校典籍務以名節相礪尋陞
助教

方玘莆田人弘治年訓澄邁操履端方博學洽聞
以書經授弟子外庠亦趨受業尋陞助教南康
府判

盧明東莞人嘉靖間澄邁諭經明行修造士有法
與縣令秦志道議遷學宮舉行射禮後左遷去
蕭敦江西泰和人成化間昌化諭信言篤行善於
啟迪捐貲造祭器及羣賢牌上人偁之

黃鵬昌化諭師模端正信義服人捐俸置學田貧
生德之

朱絃湖廣郴州貢嘉靖間會同諭待士以禮恩義
兼隆士心悅之

陳覺湖廣新寧舉人嘉靖間會同訓德性溫良學
術淳正講習精勤士心悅服

景賢祠始末 崖州學正朱子虛輯

景賢祠者原祀唐李公德裕趙公鼎胡公銓元
王公仕熙蓋四賢云今何爲五則明王公偉有

平黎功州守陳堯思建祠於州治西以祀基址
猶存不知何時附入謹臚前四賢爵里姓謚并
著王公於左

唐李公德裕字文饒真定贊皇人祖栖筠累官御史
大夫父吉甫憲宗朝大拜公初爲翰林學士凡
詔令典冊多出其手敬宗遊幸無常昵比小人
視朝月不再三父時爲浙西觀察使獻丹房六
箴優詔答之文宗已酉秋徵爲兵部侍郎庚戌
十月轉西川節度使至鎮作籌邊樓圖蜀地形

日召習邊事者訪以險要未閱月皆若身嘗乃
練士卒葺保障積糧儲以備邊蜀人相安因索
南詔所掠百姓得四十人辛亥十月吐蕃維州
副使悉坦謀來降公遣兵入踞其城具奏其狀
下尚書省集議皆如公策上然牛僧儒說不受
竟沮壬午十一月爲兵部尚書癸丑二月進同
平章事時朋黨愈盛邪正混淆未幾出公同平
章事克山南西道節度使自陳願留又爲兵部
尚書尋復爲鎮海節度使庚申九月又爲門下

侍郎同平章事武宗癸亥四月公請討澤潞筭
無遺策功成加大尉賜爵衛國公丙寅三月宣
宗即位朝罷謂左右曰適過我非大尉耶每顧
我使我毛髮灑浙於是以公同平章事充荆南
節度使執政白敏中乘上下之怒竭力排之以
公爲太子少保分司尋貶潮州司馬戊辰九月
再貶崖州司戶決年卒懿宗咸通元年冬十月
拾遺劉業言公父子爲相有聲迹功效竄逐以
來血屬將盡宜賜哀憫詔追復官爵贈左僕射

宋趙公鼎字元鎮解州聞喜人高宗三年六月霖雨
詔言闕政公時爲司勳員外郎阮曰今日之患
始於安石成於蔡京而石猶配享神宗京黨未
除朝政之缺莫大於此遂罷石配享十一月自
右司諫拜侍御史所言四十事施行者三十有
六拜中丞平章事呂頤浩崑崙公論之罷爲鎮
南軍節度使四年八月以公知樞密院事都督
川陝諸軍九月爲尚書右僕射兼知樞密院事
五年與張浚爲尚書左右僕射兼同平章兼知

樞密院事都督諸路軍馬相得甚驩六年十二月公來退浚總中外政幾事叢委所用鄭瓊叛七年九月來去帝問誰可代者因言及公浚曰得之復以公爲尚書左僕射同平章事兼知樞密院事十月安置張浚於永州論者至引漢武誅王恢事帝以語公公曰浚罪不過夫策彼母老且有勤王功倘因一失便置之死地後有竒謀秘計誰復敢言此事直關朝廷非私浚也從之八年三月內侍移竹木栽入勺公責之曰民

嶽花石之擾皆出汝曹今欲蹈前轍耶具奏帝改容謝又有戶部官進錢入宮公召切責之翌日問帝曰其人獻錢耶帝曰朕求公曰彼不當獻陛下不當求遂黜其人遠颺十月戶部侍郎向子諲奏事久中書舍人潘良貴叱之退帝欲抵良貴罪中丞常同爲之辯帝欲併逐同公奏諲雖無罪同與貴不宜逐不從命下給事中張致遠謂不應以一子諲出二佳士不書黃帝怒顧公曰固知致遠必繳駁蓋已有先入之言由

是不樂公乃出知紹興府秦檜卒宰執餞之公
不爲禮一揖而去檜益憾之後高主和議遂排
公等十年閏六月安置公於潮州十四年九月
徙於吉陽軍先是公請正建國公皇子之號檜
言公欲立皇太子是待陛下終無子也故移謝
表有曰白首何歸悵餘生之無幾丹心未泯誓
九死以不移檜見曰此老倔強猶昔十七年八
月卒於吉陽軍公自安置來潛居深處門人故
吏不敢通問惟廣西帥張宗元時餽醪米會降

旨趙鼎遇赦永不檢舉且令本軍月具存亡狀
申尚書省公遣人語其子汾曰檜必欲殺我我
死汝曹無患不爾禍及一家得疾自書墓石記
鄉里及除拜歲月且書銘旌云身騎箕尾歸天
上氣作山河壯本朝遂不食而死明年得旨歸
塋孝宗朝追封豐國公贈太傅諡忠烈

胡公銓字邦衡江西廬陵人高宗朝樞密院編修
紹興八年抗論和議欲斬秦檜王倫頭懸之藁
街書上連遭貶竄初謫福州十二年檜諷諫議

大夫羅汝楫論公飭非橫議文竄新州曾夢謁
趙公昺久之不出仰視屋宇皆塵埃取簞以掃
而覺十八年州守張棟承秦檜旨遇之無狀論
公與客唱酬謗訕怨望詔送海南吉陽軍編管
所過裴氏之廬即趙公昺故寓又嘗夢見黎母
後十年乃遷崖州李叅政光送詩有夢裏分明
見黎母生前合定到朱耶之句在崖日以訓傳
經書爲事黎首聞之遣子入學二十五年檜死
量移衡州孝宗即位召還除兵部侍郎乾道八
年以資政殿學致仕謚忠簡

元王公仕熙字繼學北海東平人晉王朝叅政煥帖
木兒謀逆執下獄流吉陽軍罷守聞之先爲營
居城中及至惡其完美乃於城西茅屋居之曰
水北新居旁西南數十步築江亭以遊息罷縣
之政時事未嘗出諸口非公事及宴請不苟出
書詠爲娛恬然不見去國之思遠近得其文字
珍藏之其載諸志者有崖州八景諸詩後居瓊
州冬初許歸田里明年得旨還錄用

明王公倬蘇州崑山人正德間副使善剖決兼精法
正德二年崖州千家村黎作亂三月甲子公親
領崖儋昌軍土兵討之賊遁逃去焚巢而歸釋
所獲逋逃乙卯知州陳堯思從民之請建祠州
西以祀侍郎鍾芳記碑萬曆壬辰知州鄭瑞星
重修後圯附入

流寓

隋楊綸宗室滕穆王瓚之子性弘厚解鍾律高祖封
邵國公煬帝以誣怨望除名爲民徙始安復徙

珠崖及天下亂爲賊林士弘所逼携妻子竄於
儋耳後歸唐爲懷化縣公

唐李旻宗室中宗朝爲左衛將軍武后親遇之後
以李敬業功封吳國公威名稜然武承嗣等忌
之嗣聖四年誣旻逸自言當有天下武后以旻
逸有功減死除名流儋州卒

韋方質京兆萬年人雲啟之孫中宗朝地官尚書
嗣聖七年武承嗣等用事宰相皆下之方質獨
不爲禮方質有疾承嗣三思往問之方質復據

床不起或諫之方質曰死生有命大丈夫安能
曲事近戚以求苟免乎尋爲周興所構流死儋
州沒其家

崔遠貞元末爲監察御史遇下嚴察下吏欲陷之
引入右神策軍軍使奏之上怒杖流崖州

林蘊字復夢莆田人世通經術嘗就四川節度使
薛及劉闢有異志曉以逆順闢勵劍加蘊頸不
能脅闢敗蘊名重京師

宋廬多遜懷州河內人太祖朝相太宗太平興國七
年以交通秦王廷美事流崖州雍熙二年卒

宋洪湛昇州上元人咸平中以比部員外郎代王
旦同王欽若知貢舉時臨津尉任懿舉諸科寓
僧仁雅舍仁雅識僧惠秦者善欽若厚懿託爲
致銀三百五十兩中第後事露逮欽若屬吏帝
方顧欽若厚命邢昺闕承翰等別鞠之懿更云
妻兄張駕識洪湛嘗俱造門始但以銀屬二僧
不知達主司爲誰昺遂坐湛適湛使陝西還而
獄已具削籍流儋州及官收湛贓家無有也乃

假梁顛金銀器皿輸官竟死貶所人知其寃莫敢言

蘇軾字子瞻眉州人蔡汴御史論軾掌制詞譏斥先朝連三貶瓊州別駕昌化軍安置初至儋官屋以居有司猶謂不可寓城之東天慶觀結息枕椰庵僦人運甕畚土助之獨與幼子過著書時從其父老遊若將終身焉凡三載徽宗立移廉州

蘇過字叔黨年十九以詩賦解兩浙路軾爲兵部

尚書任右承務郎及軾貶儋州獨過侍之凡生理晝夜寒暑所須者一身百爲不知其難初至海上爲文曰志隱軾見之曰吾可以安於海島矣因命作孔子弟子別傳其颶風賦早行於世叔轍每稱過孝以訓宗族且言吾兄遠居海上惟成就此兒後復著斜川集二十卷時有許珏者字石瑤泉人寓儋年九十餘精於易文忠公與談往甚善公還以茶盃惠曰無以爲清風明月之贈盃聊見意耳丹陽人葛延之亦有江陰

擔簦絕海往見東坡留一月

任伯雨字德翁眉州人徽宗初立伯雨爲右正言
首擊章惇繼論蔡卞居諫省半歲疏百上大臣
畏其多言崇寧二年黨事作削籍編管通州尋
徙昌化軍安置姦人猶未厭心用匿名書復逮
其子而妻適死於淮報至伯雨處之如平時居
三年乃得歸後贈諫議大夫謚忠敏

李綱字伯紀邵武人宣和中金人渝盟欽宗受禪
而綱爲尚書左丞與耿南仲議不合徽宗南幸

還京綱請防秋仲南沮之未幾以綱主戰恐妨
和議遂罷綱金兵再至上悟和議之非召綱勤
王未至而都城陷高宗即位拜右僕射兼中書
侍郎上十事擬崇要說力言張邦昌僭逆罪不
可赦請恤死義諸臣叅奏邊事乞降哀痛之詔
上皆從之尋爲黃潛善汪伯彥所譖落職許翰
言綱忠義大學士陳東請逐潛善伯彥而留李
綱於是殺東罷翰徙綱萬安軍安置至瓊泮旬

詔移雷州

曲端字正甫鎮戎人初以父戰沒授三班借職歷
都統制建炎四年秋宣撫張浚議出師端欲訓
兵秣馬浚不悅遂罷端兵柄再責海州團練使
萬州安置

折彥質字仲古撫州人紹興六年趙鼎爲相屢薦
彥質僉書樞密院後秦檜以彥質爲鼎所引謫
昌化軍禮賢下士與僦寓士許廷惠輩效司馬
光真率會爲鄉約五日一集太守李行中與焉
後移彬二十五年詔聽自便尋復官

許康民字廷惠珏之子遊僦居城東建炎間於大
江橋建湛然庵以居與彥質真率會爲鄉約質
歸有詩留別

白鏐紹興間爲內侍歷右武大夫自金從太后歸
宣言張浚名聞中外而不見用秦檜奏繫大理
寺又聞浙大水鏐復言燹理畢謬及尚書洪皓
不宜擯斥檜怒配萬安軍時太學生張伯麟與
鏐善嘗題壁曰夫差爾忘越王殺而父乎檜怒
杖脊刺配吉陽軍

趙鼎字元鎮解州聞喜人詳崖景賢祠始末

李光字泰發上虞人高宗朝叅知政事紹興間秦檜主和議光斥檜懷奸誤國連謫瓊州安置居八年仲子孟堅坐陸升之誣以私撰國史成獄呂愿中又告光與胡銓賦詩倡和譏訕朝政移昌化軍論文考史怡然自適年踰八十精力不衰亭臺多所扁詠後三年以郊恩復左朝奉大夫任便居住至江州卒孝宗朝復資政學士謚莊簡

胡銓字邦衡廬陵人詳崖景賢祠始末

楊煒越州人爲黃巖令詆時相秦檜誤國除名萬安軍編管時有干鵬者岳飛部下叅議與飛盡忠報國秦檜惡之亦除名萬安軍編管

陳好初名豪晉江人曾受學於楊時後在太學與陳東上書留李綱及東被誅遂變名遊瓊州家於蒼原今子孫繁盛

黃子善泉人紹興間僖人陳氏延爲塾師教四子皆知名嘗題陳氏湧月亭

蔡遂孫字和甫潮州人宋季避地僑萬州隱居授
徒同時劉其男者亦潮州人避地萬州博學隱
居壽八十

王權高宗朝爲清遠軍節度使詔將軍備金屨引
道紹興貸死編管瓊州

何興道州人理宗朝朝議大夫遷政府以丁大全
譖謫瓊州

兀文宗武宗次子名圖帖睦爾英宗時爲親王丞相
鐵木迭兒懷私回寵構釁骨肉以咬住告出居

海南晉王立召還封懷王居建康晉王崩燕帖
木兒迎王於江陵襲帝位

撒迪從文宗潛邸於瓊又隨召回居建康尋以海
北憲僉按瓊文宗襲帝位爲治書侍御史以陪
從海南建康之苦賜鹽引六萬贍其家至順平
章政事時燕帖木亦從文宗於瓊後召歸拜相
月魯帖木兒卜領勤多禮伯臺氏晉王泰定初汴
梁總管致和元年河南行省平章伯顏矯制起
爲本省叅政共議起兵固辭伯顏怒會明思董

阿迺皇太子過河南懷其嘗劾已因說伯顏收
之丞相別不花亦與之有隙乃謫乾寧安撫司
安置至順四年移置雷州至元六年順帝召之
還

王仕熙字繼學

詳崖景賢祠始末

懿憐真班西夏人剛正有禮法歷事仁宗英宗晉
王文宗順宗丞相專擅疾之以翰林學士承旨
出爲江南行臺御史大夫尋殺其子謫置海南
荆王子撒敦王之後至元中以高昌王事累謫萬

州安置數年卒

明世家寶字觀益北庭人洪武初以元閒良官大理
寺卿讞獄詳明上稱獎之改刑部尚書尋以註
誤儋州安置後召還復其官未至卒時有吉昌
亦北庭人孝行著聞初令曲江累官山東副使
亦以旁累謫儋州

桑慎字仲修世居常州遷嘉興洪武初任監察御
史有廉能聲苦行力學逼於古人行部海南奏
誅衛使張榮坐不避八議瓊州安置復召還

薛顯沛縣人始自盱眙來歸洪武撫之甚厚從征破慶陽追王保保戰賀宗哲勇畧意氣迥出然性剛忍妄殺胥吏醫獸火者馬軍天長衛千戶吳富洪武三年謫居海南仍論功封永成侯第弗與券分其祿為三一贍富家一以贍所殺馬軍家一以養其老母妻子四年冬復召用

康鑑蘄州人父茂才元秀結義旅以捍蔽本州官宣尉使都元帥丙申高帝克金陵率部兵三千解甲來附從征十年餘累立大功追封蘄國公

子鐸襲封蘄春侯絕鑑以庶子襲任指揮洪武十九年為事發雲南金藍衛充軍明年召還以風顛廢職冠帶起送家弁給賜奴李馬兒等九十四名海南衛安置傳世宗支籍瓊山之官隆

徐益字咨益豐城人洪武間從父成瓊博通經史長於詩賦為鄉校師尚書薛公遠輩皆出其門與王霜筠揚行素朱四吟諸士友善嘗為霜筠

校正詠史詩

楊升字起宗永嘉人自洪武末寓瓊三十餘年通
春秋博洽能文隄縣諸家撰述多出其手舉臨
高校官後以老謝政與隄守王伯貞友善嘗改
補蔡止庵瓊海方輿志文行冠於一時年八十
八終

吳均字平仲

臨川人

朱繼字伯紹

莆田人

鄭觀字

尚賓

三山人

俱洪武末寓瓊州從學趙考古先

生為高第

穆惟敬汴人洪武初監察御史以旁累謫戍海南

衛時李安仁山東人亦以監察御史謫瓊州

趙起潛字淵叔黃巖人洪武間鄉貢拜監察御史

按部嶺海有聲尋以累謫儋州堅節不改讀書
不入城市儋人賢之

瞿宏合肥人南京中軍左都督能之孫永樂元年
調發海南衛崖州千戶所閒住

崔永海鹽人以母韓氏隨繼父謫海南永徒步至
瓊求其母時繼父已沒有司以配屬不許歸永
號泣請於朝許之舟行遇風永入水負母因感

疾卒江西省臣以聞爲之祭塋給驛舟歸其母
系數往返廣海間人以孝子稱之

莫綦吳川人永樂初寓崖之水南村占籍南廂
直不阿通經善詩碁守姚瑾特見親重下榻禮
之

唐益字損之慈谿人博學多能景泰間以教授同
汪洋伍宗德配瓊天順初取回

艾璞字德潤南昌人都御史巡撫蘇松
連盛永年人兩淮鹽運使

張瓚化直隸人兩淮鹽運同已上三人俱正德初
以許劄極請瓊州

國

國

國

國

7

